



御選宋詩卷第二十九目錄

七言古詩五

蘇轍十九首

孔武仲十一首

孔平仲六首

米芾一首

賀鑄二首

張舜民一首

陳襄一首

郭祥正一首

楊甲二首

御選宋詩

卷二十九目錄

郊僑一首



黃庭堅十六首

秦觀三首

晁補之五首

晁說之五首

晁冲之三首



御選宋詩卷第二十九

七言古詩五

蘇轍

望夫臺在忠州南  
數十里

江上孤峰石爲骨望夫不來空獨立去時江水拍山流  
去後江移水成磧江移岸改安可知獨與高山化爲石  
山高身在心不移慰爾行人遠行役

柳湖感物

柳湖萬柳作雲屯種時亂插不須根根如卧蛇身合抱  
仰視不見蜩蟬喧花開三月亂飛雪過牆度水無復還  
窮高極遠風力盡棄墜泥土顏色昏偶然直隨湖中水  
御選宋詩

卷二十九 蘇轍

一

化爲浮萍輕且繁隨波上下去無定物性不改天使然  
南山老松長百尺根入石底蛟龍蟠秋深葉上露如雨  
傾流入土明珠圓乘春發生葉短短根大如指長而堅  
神農嘗藥最上品氣力直壓鍾乳温物生稟受久已異  
世俗何始分愚賢嘗見野人言柳花入水爲浮萍松上露墮地爲仙茅  
陰乾服之益人古方云十斤鍾乳不如一片仙茅

陪歐陽少師永叔燕潁州西湖

西湖草木公所種仁人實使甘棠重歸來築室傍湖東  
勝遊還與邦人共公年未老髮先衰對酒清歡似昔時  
功成業就了無事令名付與他人知平生著書今絕筆  
閉門燕居未嘗出忽來湖上尋舊遊坐令湖水生顏色  
酒行樂作遊人多爭觀竊語誰能呵十年思潁今在潁

不飲耐此遊人何

歐陽公所蓄石屏

石中枯木雙扶疎粲然脈理通肌膚剖開左右兩相屬  
細看不見毫髮殊老樗剝落但存骨病松憔悴空留鬚  
丘陵迤邐山麓近雲煙淡霽風雨餘我驚造物巧如此  
刻畫瑣細供人須公家此類尚非一客至不識空嗟吁  
案頭紫雲抱明月牀上寒木翻飢鳥賦形簡易神自足  
鄙棄筆墨嗟勤劬天工此意與人競雜出變怪驚羣愚  
世間淺拙無與敵比擬賴有公新書

月石硯屏及石上集  
林棲鳥皆公詩所賦

和子瞻金山

長江欲盡闊無邊金山當中唯一石潮平風靜日浮海

御選宋詩

卷二十九

蘇轍

二

縹緲樓臺轉金碧瓜洲初見石頭城城下波濤與海平  
中流轉柂疑無岸泊舟未定僧先迎山中岑寂恐未足  
復將江水遶山麓四無鄰家羣動息鐘聲鏗鏗答山谷  
烏鳶力薄隋中路惟有胡鷹石上宿誰知江海多行舟  
遊人上下奪巖幽老僧心定身不定送往迎來何時竟  
朝遊未厭夜未歸愛山如此如公稀不待遊人盡歸去  
恐公未識山中趣

賦黃鶴樓贈李公擇

公擇時  
知鄂州

前年見君河之浦東風吹河沙如霧北潭楊柳強知春  
樽酒相攜終日語君家東南風氣清謫官河壩不稱情  
一麾夏口亦何有高樓黃鶴慰平生荆江洞庭春浪起

漢沔初來入江水岸頭南北不相知惟見風濤湧天地  
巫峽瀟湘萬里船中流鼓楫四茫然高城枕山望如帶  
華櫬照日光流淵樓上騷人多古意坐忘朝市無窮事  
誰道武昌岸下魚不如建業城邊水

次韻子瞻題孫莘老墨妙亭

高岸爲谷谷爲陵一時豪傑空飛騰身隨造化不復返  
忽若野雀逢蒼鷹當年碑刻最深固風吹土蝕消無稜  
遺文漫滅雨中迹翠石斷裂春後冰古墳欲毀野廟廢  
行人不去征鞍憑書生耽翫立風雪飢驢厭苦疲奴憎  
愛之欲取恨無力旋揉翠墨濡黃繒不如好事孫太守  
牛車徙置華堂登遶牆羅列耀珪璧罷燕起讀留賓朋  
御選宋詩

卷三九

蘇轍

三

却思遺迹本安在原隰處處荒榛藤田夫野老誰復顧  
鬼火夜照來寒燈廢興聚散一如此反使涕泗沾人膺  
寒食贈遊壓沙諸君

城南壓沙古河淤沙上種梨千萬株隆冬十月我獨往  
風吹葉盡枝條疎老僧屈指數春候却後百日花當蘇  
微風細雨膏潤足枝頭萬萬排明珠齊開競發不知數  
照耀冰雪明邨墟此時官閒得遊賞長隄平穩宜驂駒  
寺門古木芽葉動倉庾布穀相和呼及時行樂不可緩  
歲長春短花須臾僧言我意兩相值欲往屢已脂吾車  
今朝寒食煙火斷薄雲蔽日風沙除此花久已待我至  
况有朋友相攜扶來邀反覆不能住豈獨負君花已辜

諸君高邁足才思佐酒况得萬玉奴坐中未醉慎無起  
倒載當使山公如

次韻子瞻遊道場山何山

兩山相負爲峰麓流水重重注溪漫漫遊人上尋流水源  
未覺崎嶇病雙足山深下視雲漫漫徑垂石底千屈盤  
松林陰森白日靜忽驚人世如奔湍客行不避苦寒出  
僧定端居不下席人生嗟與草木同置身所在由初植  
堂中白佛青髻鬢氣象冲淡非人間坐令遠客厭奔走  
徑欲築室依空山木魚琅琅夜將旦星斗敲斜挂山半  
行役有程未可留將出山門復長歎

送梁交之徐州

御選宋詩

卷九 蘇轍

四

湖水清且深新荷半猶卷未見紅妝窈窕娘先排翠羽  
參差扇水面風生人未知敲傾俯仰長先見岸上遊人  
暮不歸清香入袖涼吹面投壺擊鞠綠楊陰共盡清樽  
餐白飯坐中飛將忽先起輕衫出試彭門遠百步洪西  
白浪翻戲馬臺南雲岫滿江山雄麗信宜人風流孰似  
梁王苑

同李倅鈞訪趙嗣恭留飲南園晚衙先歸

城南高樓出喬木下有方塘秋水足新霜未變草木鮮  
晚日旋催梨棗熟雨荒松菊半榛莽風老菰蒲初瑟縮  
門前大路多塵土日中過客無留轂開門却掃如有待  
下馬升堂真不速勸我一振衣上黃臨風共倒樽中滌

肴蔬草草意不盡絲竹泠泠暗相屬琳宮仙伯自閒暇  
幕府麤官苦煩促晚衙簿領當及期後堂車轄要須漉  
令人更愧東宮師眷戀溪山棄華屋

中秋見月寄子瞻

西風吹暑天益高明月耿耿分秋毫彭城閉門青嶂合  
卧聽百步鳴飛濤使君攜客登燕子月色著人冷如水  
筵前不設鼓與鐘處處笛聲相應起浮雲捲盡流金丸  
戲馬臺西山鬱蟠杯中淥酒一時盡衣上白露三更寒  
扁舟明日浮古汴回首逡巡陵谷變河吞巨野入長淮  
城沒黃流只三版明年築城似山伐木爲隄隄更堅  
黃樓未成河已退空有遺蹟令人看城頭見月應更好  
御選宋詩

卷二十一

蘇軾

五

次韻張耒見寄

相逢十年驚我老雙鬢蕭蕭似秋草壺漿未洗兩脚泥  
南轅已向淮陽道我家初無負郭田茅廬半破蜀江邊  
生計長隨五斗米飄搖不定風中煙茹蔬飯糗不願餘  
茫茫海內無安居此身長似伏轅馬何日還爲縱鯨魚  
憐君與我同一手微官骯髒羞牛後請看插版趨府門  
何似曲肱眠甕牖中流千金買一壺櫝中美玉不須沽  
洛陽榷酒味如水百錢一角空滿盃縣前女兒翠欲滴

吏稀人少無晨集到官惟有懶相宜卧看南山春雨濕  
陪毛君夜遊北園

池塘草生春尚淺桃李飛花初片片一尊花下夜忘歸  
燈火尋春畏春晚春風暗度人不知滿園紅白已離披  
江南春雨少晴日露坐青天能幾時折花只恐傷花意  
攜客就花花定喜落蕊飄香翠袖中交柯接葉燈光裏  
雨練風柔雪不如精神炫轉影扶疎夜看飛燕勝朝日  
月暗還須明月珠美人勸我殊非惡明日雨來無此樂  
醉歸不用怕山公馬上接離先倒著

和子瞻鐵拄杖

截竹爲杖瘦且輕石堅竹破誤汝行削木爲杖輕且好  
御選定詩

卷二十九

蘇轍

六

道遠木折恐不到閩君鐵杖七尺長色如黑蛇氣如霜  
提攜但恐汝不力撞堅過險安能傷柳公雖老尚強健  
閉門却掃不復將知公足力無嶮阻憐公未有登山侶  
平生四海惟一身袖中長劍爲兩人洞庭漫天不覺過  
半酣起舞驚鬼神願公此杖亦如此適意遨遊日千里  
歸來倚壁示時人海外蒼茫空自記

同王適賦雪

北風吹雨雨不斷遍滿虛空作飛霰紙窗獨卧不成眠  
茅屋無聲時一泣烏鳥錯莫寒未起庭戶空明夜驚旦  
重樓複閣爛生光絕澗連山漫不見夾砌雙杉洗更碧  
滿田碧草埋應爛城中閉門無履迹市上孤煙數晨爨



細排玉箸短垂簷暗結輕冰時入硯撥灰有客顧尊俎  
迹兔何人試鷹犬未容行役埽車轂應有老農歌麥飯  
一來江城若俄頃四見白花飛面旋坐看酒甕誰敢嘗  
歸踏冰泥屢成濺年來橋板斷不屬莫出肩輿足憂患  
到家昏黑空自笑嫿婦勤勞每長歎牀頭有酒未用沽  
囊裏無錢不勞算更令雪片大如手終勝溪瘴長熏眼  
謁告猶能不出門典衣共子成高譙

次韻秦觀秀才攜李公擇書相訪

濟南三歲吾何求使君後到消人憂君言有客輕公侯  
扁舟相從古揚州致之匹馬恨無力千里相望同異域  
誦詩空使四座驚隱居未易凡人測使君南歸無限情

御選宋詩

卷三九

蘇轍

七

鴻飛攜書隨我庭此書兼置昔年客袖中秀句淮山青  
老夫強顏依府縣堆案文書本非願清談亶亶解人頤  
安得坐右長相見狂客吾非賀季真醉吟君似謫仙人  
未契長遭少年笑白髮應慚傾蓋新都城酒貴誰當換  
塵埃汗面非良算歸來泗上苦思君莫待黃花秋爛漫

秦君與家兄子瞻  
約秋後再遊彭城

次韻子瞻贈梁交左藏

彭城欲往臺無檄初喜東西合爲一將軍走馬隨春風  
精銳千人森尺籍口占佳句驚衆坐手練強兵試鳴鏑  
酒酣起舞花滿地醉倒不聽人扶出歸來相對如夢寐  
虎踞熊經苦岑寂黃樓方就可同遊飲盡官廚三百石

和子瞻雪浪齋

謫居杜老嘗東屯波濤遶屋知龍尊門前石岸立精鐵  
潮汐洗盡莓苔昏野人相望夾水住扁舟時過江西邨  
窗中縞練舒眼界枕上雷霆驚耳門不堪水怪妄欺客  
欲借楚些時招魂人生出處固難料流萍著水初無根  
旌旗旋逐金鼓發蓑笠尚帶風雨痕高齋雪浪卷蒼石  
北叟未見疑戲論激泉飛水行亦凍窮邊臘雪如翻盆  
一杯徑醉萬事足江城氣味猶應存

孔武仲

與廖開甫自淮南同行赴舉相別五年復相遇  
於蘄水縣爲詩贈之

御選宋詩

卷三九

蘇轍

孔武仲

八

束書吾初走夷門傾蓋得君恨不早蘭溪駐馬復相逢  
二紀飛馳如電掃惜君憔悴力不任顧我滄浪髮先鬪  
憶昔同行氣頗驕青驄馬快鞍韉好荒山破屋風豪橫  
大澤長堂雪傾倒高談灑落見天機健句縱橫撼腹藁  
辛勤始得到京邑文辭不入春官考可憐六翮委沙泥  
坐看羣仙上蓬島壯年多難寸心折勁鏃已衰難破縞  
而君施設有餘才西佐元戎奪城堡牛刀拂拭試一懸  
如引滄溟灌行潦歸來赴愬天子庭正欲披腹呈瑰寶  
片辭未吐疾先入藜杖扶行色枯槁籃輿復指天涯去  
長川橫濫聲浩浩驂騑不日歸王閑那久低摧卧霜草

久長驛書事

空堂深深閃燈燭羣奴鼾眠聲動屋豆肥草軟馬亦便  
嚼美只如蠶上簇天事由來不可量初更月出星煌煌  
須臾變作霏霏雨客枕不眠知夜長

時雨

空車輾雷幟摧電千里冥冥甘雨遍元豐嘉號卜長年  
太一尊神宅畿甸齋宮夜禱回天聽美澤朝流慰人願  
豆苗蓬蓬粟低垂土脈舒蘇蝗不飛野老謳歌忘帝力  
夕陽相與荷鋤歸

入關山

輕輿兀兀乘朝暉漸入山徑行逶迤昨日喜與山相見  
今日得與山相隨山中老翁迎我笑借問久矣來何遲

御選宋詩

卷三九

孔武仲

九

答云王都富且樂四方車馬皆奔馳我雖疎慵亦勉強  
天恩得邑方南歸山林市朝不同調公雖高簡宜無譏  
老翁聞語更驩意爲我煮水燒松枝山家十錢得升酒  
勸我引觴聊沃飢爲翁一奏白雪曲翁亦爲我歌紫芝  
此聲淡泊極有味往往世俗無人知山中之樂有如此  
嗟我捨此將焉之

祠二廟之明日未得順風呈同行

岳州西祠從古有控帶洞庭湖之口前對隱顯明滅之  
湘山下接齋淪洶湧之長川茫茫白沙連絕嶼淡淡古  
木蟠蒼煙昭靈王左安流右翠帳朱幡擁前後鋸牙虎  
視森兩廂氣骨生獍欲奔走我來纜舟日已昏袍韉踈

聽祠官言伏興進退如法式四顧詭譎驚心魂平明結  
東舟將解叱吸仍聞北風大焚香奏酒殊無計伏者藏  
汀姑有待二王威神世所傳鈴攝鬼怪賓靈仙好風相  
送勢不難舒卷造化須臾間波回草動似有意舉權開  
帆即千里吟詩賞月岳陽樓買魚沽酒巴陵市

炭步港觀螢

九華之南蘆葦長流螢夕起不計雙爛如神仙珠玉闕  
青羅掩映千明鈺空江沉沉未見月近浦穿林起還滅  
魚遊鳥宿自不驚我知此火初無情

泊趙屯

憶昨省覲趨濡川萊衣擁綠方少年艱難險阻俱未歷

御選不詩

卷三九 孔仲

十

孟浪勇決唯爭先舟發趙屯猶未飯有風北起空濛間  
掀搖三山欺五岳巨浪倒潑東南天千林向人俱頓仆  
兩岸過眼真飛騫帆檣迴憂河漢底鷁首俯飲蛟龍淵  
跳波濺沫來四面坐中時得鯉與鱸妻啼婢訕殊不顧  
兀坐正讀逍遙篇爲言方破萬里浪不爾捉月爲神仙  
江中逢巨石頗突爲引牽逡巡水勢亦平緩幸免肝脛  
輸烏鳶暮投彭澤宿荒草神驚魄顫何能眠自茲稍悟  
垂堂戒韉紋纔起不敢前矜持太過僅無患往往所至  
傷留連乃知老謀與壯事心膽殊異難兼全重來此地  
畏洶湧藏舟別浦看漪漣魚跳鷗下自可喜何用蛟鱉  
飲流涎斜陽依依照草木夾岸葭茨鋪書瓊兒今弱冠

昔何有昔頷無鬚今皓然二十餘年纔瞬息時事幾蛻  
如秋蟬區區走俗亦何賴安得尺地巢林泉

瓜步阻風

昨日焚香謁聖母青山鞠躬如負弩但乞天開萬里明  
掃去浮雲戢風雨謂宜言發即響報豈知神不聽我語  
門前白浪如銀山江上狂風如怒虎船癡艣硬不能扳  
未免棲遲傍洲渚輕盈但愛白鷗飛顛頓可憐芳草舞  
三江五湖歷已盡勢合平夷反齟齬上水歌呼下水愁  
北船縈絆南船去寄言南船莫雄豪萬事低昂如桔槔  
我當賣劍買牲牢再掃靈宇陳肩虎黃金壺樽沃香醪  
神喜借以南風高揚帆拍手笑爾曹不知流落何江臯  
御選宋詩

卷二十九

孔武仲

十一

荒洲寂寥聽怒號

賦瑪瑙笛

弟毅父  
所藏也

羌兒吹笛作龍吟中有太古之純音伊人已死笛仍在  
千古月明江水深誰知巧匠尋山谷感踏溪雲採明玉  
雲容芝彩光復黯淺紫輕紅花映肉正聲隱顯初無端  
造化推移指法間黃鐘妍美霜朝暖無射淒涼暑月寒  
軺車走遍天南北此笛此聲何處得韜之湘竹川錦囊  
廣坐聊持銜賓客弘農學士九尺長頰嶺山起鷓髯張  
從容奏罷陽春曲氣衰坦腹眠繩牀由來雅器自有合  
不與教坊管絃雜君不見開元名臣宋侍中手揮羯鼓  
疾如風

汴河

營渠斜與昆河接，河遠渠慳幾可涉。狂霖一漲高十尋，  
迅瀉東來比三峽。崩騰下與淮泗會，清泚亦容伊雒雜。  
橫空九闕真垂虹，怒捲千艘如敗葉。祇堪平地看洶湧，  
何事乘危理舟楫。共夫鵝鸛行天上，遙與谷中相應答。  
但憂心手一乖迕，巨舶高檣兩摧折。而余進退久安命，  
揭厲以望初不懼。妻孥亦已慣江湖，笑語猶如泛山陬。  
鳴弓擊柝警夜盜，掘茹撈鰕佐晨饁。時登絕徑步榆柳，  
或面荒陂看鳧鴨。我生東南趣向野，揮弄清溪看茗雪。  
枕流漱石真所便，履濁凌險終未愜。觚稜漸喜金闕近，  
釜甑何憂米鹽乏。渾如海客泛枯槎，繚繞明河望閭闔。

御選宋詩

卷十九

孔武仲

孔平仲

十一

偶書

暮上高樓聽邨笛，清風寥寥吹澤國。蒼山莽野百戰地，  
美木陰林四時色。浩蕩乾坤萬里中，風光盡屬漁樵客。

孔平仲

春天

春天酣酣睡最美，日轉花陰猶未起。須臾夢覺聞風聲，  
波濤翻空千萬里。出門四望氣慘淡，寒色射人如潑水。  
旋見大雪落交加，向晚緩緩尚不止。遊絲柳絮復何有，  
百鳥卷舌愁欲死。陰陽變化固有漸，乃何暴忽有如此。  
清江野客心傷悲，寂寞無言對桃李。

寄王達夫高密令

高城已吹角月暗星河落與子語不休青燈同寂寞平  
明車馬去悠悠一飯相邀不得同交情世契兩皆厚東  
望白雲千萬重

落花

嶺南冬深花照灼比至春初花已落乘閒攜酒到西園  
鳥散蜂歸春寂寞江南此際春如何紅杏海棠開正多  
歸期不及春風日猶見池塘著綠荷

太平

溪行曲入四五里乃見州城大如斗人煙疎少白日靜  
風物澄明新雨後古來豪俊多在此悵望千秋一回首  
謝家青山空自高李白扁舟復何有

御選宋詩

卷十九 孔平仲

圭

送客到江亭

春江碧波渺天去兩岸紅桃落如雨主人到此送行人  
落日留連會歌舞渡頭楊柳正依依拂水搖風千萬絲  
看看亦整東歸棹誰折長條贈我歸

寄鄒蹇叔

西園春深百草長殘花紛紛綠葉光蜂歸蝶散情已薄  
獨我遶樹行如狂亟令沽酒藉地飲卧嗅落蕊傾金觴  
醉來意氣頗脫略睥睨天地如毫芒狂歌大笑誰對值  
山猿谷鳥啼斜陽却思高陽舊徒侶安得飛至坐我旁  
登城引望不可見雲峰古木徒蒼蒼

米芾

閩門舟中戲作呈伯原

蘋風忽起吹舟悍雨打圖書藏裏亂閩門咫尺不安流  
星宿浮槎寄江漢吳王故苑古長洲潮汐池邊一竹留  
秀蕙芳蘭無處所荒茺叢葦滿清流

賀鑄

留別田晝

田字承君始名至明字君義元豐初涇陽同官也

君家陋巷一尺泥吾車有輪馬有蹄犯寒踏雨重相過  
明日扁舟吾遂西回首邯鄲迹如埽離索十年成潦倒  
兔葵燕麥春自妍蟬腹龜腸氣方飽雲達杳杳謝攀躋  
長缺與人還故棲異時結駟東南畝耕者老夫鋤者妻

送僧雲還吳興

御選宋詩

卷三十九

米芾賀鑄

十四

吳興道人美風度月下滄浪翹白鷺晝公詩律尚能傳  
間有赤烏黃耳句海角相逢一笑新懷歸不待白蘋春  
寄聲故國羣兒輩潦倒塵埃賀季真

答許景亮

許永嘉人字少明力學喜爲詩惠然出長篇見投况我以鄧高密謝太傅即賦以答時余將爲江夏之行兼與

之別乙亥九月京師賦

東嘉海上孕瓊怪之子人英晦當代發之辭章聊一噫  
雷鼓霜鐘警籟曠投吾夜光敢不拜相期過高幸少殺  
君家風鑿嚴簡汰顧吾衰遲積疴瘵久隱牆東慕牛僧  
絕望仲華安石輩老矣狂奴猶故態清思屢遭俗子敗  
絮衣棘徑動胃礙京塵浼人更難奈行拏一舟犯滂湃  
五斗無餘雜糠稗全家飫餐雲夢豈黃鶴樓登指天外



燕子西飛書可待訪吾少明安好在

張舜民

縱步湘西

今朝不易得天晴閒過江西取意行忽然林外見山色  
又向橋邊聞水聲綠竹長松間桃李天然翠幙圍羅綺  
日暮歸舟醉不知晚風吹過湘江水

陳襄

通判國博命賦假山

去年水潦百穀死居民無食食糟糝州之餓者數千人  
黃巖之民尤倍屣攜持老少出城郭盡撒牆屋無居止  
鬻妻棄子人不售價例不復論羊豕白日市井聞號呼

御選宋詩

卷十九

張舜民

陳襄

郭祥正

五

夜堆廊廡如蟲豸縣官哀憐發賑救一飯纔得一盂爾  
出門未暇充喉咽已有數十填溝水我時過之不忍顧  
往往悲咽胸填委豈無智慮裨萬一遠地不得號君耳  
錢侯作倅忠且仁悲憐餓殍如親子日開官廩與之食  
又令豪右發儲峙昨日馳書白轉運披陳肝腎獻金矢  
更乞兵儲二萬斛民之大命方有倚侯從新年作假山  
自聞民飢不得視非無泉石可盤樂人今方瘁何能喜  
願侯勿遽愛此山念此賸臘存孤蟻天無疫癘五穀熟  
生者保聚歸田里此山之石堅不堅將與侯德無窮已

郭祥正

憶敬亭山

忽憶敬亭山翠碧千萬尋白雲拂地弄晴影黃猿嘯晚  
清人心桃花流水三月深柳絮披煙辭故林重樓複殿  
踞山脚塑像制度祠非淫晉時謝守曾賽雨至今石上  
鐫遺吟五言雅重參二典琅琅一誦鏗璆琳綠潭無底  
白玉沉千載何人知此音李白騎鯨出滄海回鞭曾宿  
崑崙岑却汎虛舟弄溪月紫霞之杯傾不歇醉來更約  
崔宗之秋水元談清興發數公逸駕何當還悵望英風  
不可攀信道相看兩不厭古來只有敬亭山

楊甲

寒食後遊學射山

疾風吹沙天茫茫日落未落原野黃山空無人石碌碌  
御選宋詩

卷三九 郭祥正 楊甲

十六

路長馬飢石齧足荒臺古林翳雲族何人剗巖縛層屋  
當年萬騎填山谷至今拾寶多遺鏃故國山川愁遠目  
人世悲歡風雨速凌高舉酒天爲感手攀巖樹叩雲木  
何人唱我淒涼曲興亡一眼冥冥綠野水平蕪飛雁鶩  
庚寅再遊梅龍

霜郊馬頭鞭影西欲尋遠梅無舊蹊但聞草木皆有香  
未到已識花前溪艤舟登岸入梅處竹樹煙火茅茨低  
百年死樹蟲蘚暗鱗甲漠漠僵橫覓老翁鼻祖頭雪白  
下見兒女方勝筭數株無力已仆地強起放春花滿畦  
瘦龍天矯欲仙去脊尾一半埋沙泥雷公幾時獵幽螫  
夜半刀斧來剗野人往往多再拜疑有鬼物憑其棲

問樵訪牧不知歲髻鬢已見今耄倪故人同遊六七輩  
或似醉阮林中嵇遶樹覓花不識路東邊犬吠西號雞  
榼中但有酒清濁寒具野擔勤提攜誰言猶是蜀梅苑  
破丘斷隴山蒿藜種花滿地作癡計隨手變化空塵壑  
只餘老樹香不滅力戰風雨猶堅屣何時江邨一曲路  
與子共賦歸來兮

郊僑

簡公約素琴堂

素琴之堂虛且清素琴之韻淪杳冥神閒意定默自鳴  
宮商不動誰與聽堂中道人骨不俗貌龐形端顏瑩玉  
我嘗見之醒心目寧必絲桐絃斷續嗚呼靖節已死不  
御選宋詩

卷三

楊甲

郊僑

黃庭堅

七

復聞成虧相半疑昭文阮手鍾耳相吐吞素琴之道詎  
可論道人道人聽我語紛紛世俗誰師古金徽玉軫方  
步武虛堂榜名無自苦

黃庭堅

次韻子瞻題郭熙畫秋山

黃州逐客未賜環江南江北飽看山玉堂卧對郭熙畫  
發興已在青林間郭熙官畫但荒遠短紙曲折開秋晚  
江邨煙外雨脚明歸雁行邊餘疊巘坐思黃甘洞庭霜  
恨身不如雁隨陽熙今頭白有眼力尚能弄筆映窗光  
畫取江南好風日慰此將老鏡中髮但熙肯畫寬作程  
五日十日一水石

戲和文潛謝穆父松扇

猩毛束筆魚網紙松拊織扇清相似動搖懷袖風雨來  
想見僧前落松子張侯哦詩松韻寒六月火雲蒸肉山  
持贈小君聊一笑不須射雉殼黃間

雙井茶送子瞻

人間風月不到處天上玉堂森寶書想見東坡舊居士  
揮毫百斛瀉明珠我家江南摘雲腴落磴霏霏雪不如  
爲公喚起黃州夢獨載扁舟向五湖

以雙井茶送孔常父

校經同省並門居無日不聞公讀書故持茗椀澆舌本  
要聽六經如貫珠心知韻勝舌知腴何似寶雲與真如

御選宋詩

卷二十九

黃庭堅

六

湯餅作魔應午寢慰公渴夢吞江湖

常父答詩有煎點徑須煩綠珠之句復次韻戲  
答

小鬟雖醜巧妝梳掃地如鏡能檢書欲買娉婷供煮茗  
我無一斛明月珠知公家亦闕掃除但有文君對相如  
政當爲公乞如願作牋遠寄宮亭湖

水仙花

凌波仙子生塵襪水上輕盈步微月是誰招此斷腸魂  
種作寒花寄愁絕含香體素欲傾城山礬是弟梅是兄  
坐對真成被花惱出門一笑大江橫

武昌松風閣

依山築閣見平川夜闌箕斗插屋椽我來名之意適然  
老松魁梧數百年斧斤所赦今參天風鳴媧皇五十絃  
洗耳不須菩薩泉嘉二三子甚好賢力貧買酒醉此筵  
夜雨鳴廊到曉懸相看不歸卧僧檀泉枯石燥復潺湲  
山川光輝爲我妍野僧早飢不能饘曉見寒谿有炊煙  
東坡道人已沉泉張侯何時到眼前釣臺驚濤可晝眠  
怡亭看篆蛟龍纏安得此身脫拘攣舟載諸友長周旋

彫陂

彫陂之水清且泚屈爲印文三百里呼船載過七十餘  
褰裳亂流初不記竹輿嘔啞山徑涼鶉鳩呼婦聲相倚  
篁中猶道泥滑滑僕夫慘慘耕夫喜窮山爲吏如漫郎  
御選宋詩

卷元

黃庭堅

十九

安能爲人作嚆矢老僧迎謁喜我來吾以王事篤行李  
知民虛實應縣官吾寧信目不信耳僧言生長八十餘  
縣令未曾身到此

謝景文惠浩然所作廷珪墨

廷珪贖墨出蘇家麝煤漆澤紋烏鞞柳枝瘦龍印香字  
十襲一日三摩挲劉侯愛我如桃李揮贈要我書萬紙  
不意神禹治水圭忽然入我懷袖裏吾不能手抄五車  
書亦不能寫論付官奴便當閉門學水墨灑作江南驟  
雨圖

題落星亭

落星開士深結屋龍閣老翁來賦詩

寺僧擇隆作宴坐  
小軒爲落星之勝

小雨藏

山客坐久長江接天帆到遲晏寢清香與世隔畫圖妙  
絕無人知蜂房各自開戶牖處處煮茶藤一枝

以右軍書數種贈丘十四

丘郎氣如春景晴風暄百果草木生眼如霜鶻齒玉冰  
擁書環坐愛窗明松花汎硯摹眞行字身藏穎秀勁清  
問誰學之果蘭亭我昔頗復戲墨卿銀鈎蠶尾爛箱籟  
贈君鋪案黏曲屏小字莫作癡凍蠅樂毅論勝遺教經  
大字無過瘞鶴銘官奴作草欺伯英隨人作計終後人  
自成一家始逼眞卿家小女名阿潛省目似翁有精神  
試留此書他日學往往不減衛夫人

次韻子瞻春菜

御選宋詩

卷十九

黃庭堅

二

北方春蔬嚼冰雪妍暖思採南山蕨韭苗水餅姑置之  
苦菜黃雞羹糝滑蓴絲色紫菰首白萹蒿牙甜葍頭辣  
生菹入湯翻手成芼以薑橙誇縷抹驚雷菌子出萬釘  
白鶩截掌鼈解甲琅玕林深未飄籜軟炊香秔煨短茁  
萬錢自是宰相事一飯且從吾黨說公如端爲苦筍歸  
明日青衫誠可脫

長句謝陳適用惠送吳南雄所贈紙

廬陵政事無全牛恐是漢時陳太丘書記姓名不肯學  
得紙無異夏得裘琢詩包紙送贈我自狀明月非暗投  
詩句縱橫剪宮錦惜無阿買書銀鈎蠻溪切藤卷盈百  
側釐羞滑蠶羞白想當鳴杵砧面平枕榔葉風溪水碧

千里鷺毛意不輕瘴衣腥膩北歸客君侯謙虛不自供  
胡不贈世文章伯一涔之水容牛蹄識字有數我自知  
小時雙鉤學楷法至今兒子憎家雞雖然嘉惠敢虛辱  
煮泥續尾成大軸寫心與君心莫傳平生落魄不問天  
樽前花底幸好戲爲君絕筆謝風煙已無商頌猗那手  
請續南華內外篇

奉送周元翁鎖吉州司法廳赴禮部試

江南江北木葉黃五湖歸雁天雨霜繫船湓城秣高馬  
客丁結束女縫裳貢書登名徹未央不比長卿薄遊梁  
南山霧豹出文章去取公卿易驅羊與君初無一日雅  
傾蓋許子如班揚囚拘官曹少相見忽忽歲晚稼滌場  
御選宋詩

卷五

黃庭堅

五

一杯僚友喜多在謝守不見空澄江澄江如練明橘柚  
萬峰相依摩青蒼暮堂醺醺客被酒豔歌聒醉燭生光  
椎鼓發船星斗白明日各在天一方寒鴉滿枝二喬宅  
樽前顧曲憶周郎鱸魚斫膾蔗爲漿恨君不留誰與嘗  
殿前春風君射策漢庭諸公必動色故人若問黃初平  
將作金華牧羊客

送王郎

酌君以蒲城桑落之酒泛君以湘纍秋菊之英贈君以  
黥川點漆之墨送君以陽關隋淚之聲酒澆胸中之磊  
魄菊制短世之頽齡墨以傳千古文章之印歌以寫從  
來兄弟之情江山千里俱頭白骨肉十年終眼青連牀

夜語雞戒曉書囊無底談未了有功翰墨乃如此何恨  
遠別音書少炊沙作糜終不飽鏤冰文字費工巧要須  
心地收汗馬孔孟行世日杲杲有弟有弟力持家婦能  
養姑供珍鮭兒大詩書女絲麻公但讀書煮春茶

題孟浩然畫像

先生少也隱鹿門爽氣洗盡塵埃昏賦詩真可凌鮑謝  
短褐豈愧公卿尊故人私邀伴禁直誦詩不顧龍鱗逆  
風雲感會雖有時顧此定知無枉尺襄江渺渺汎清流  
梅殘臘月年年愁先生一往經幾秋後來誰復釣槎頭

秦觀

和王通叟琵琶夢

御選定詩

卷二十九

黃履堅

秦觀

三

鶗鴂鳴時衆芳歇華堂夢斷音容絕風驚玉露不成圓  
一夜芙蓉泣秋月金紋捍面紫檀槽曾抱花前送酒觴  
庾郎江令費珠璧小砑紅箋揮兔毫風流雲散令人瘦  
忍看麴塵昏錦綬楚水悠悠更不西上天破鑑空依舊  
和黃法曹憶建溪梅花同參寥賦

海陵參軍不枯槁醉憶梅花愁絕倒爲憐一樹傍寒溪  
花水多情自相惱清淚斑斑知有恨恨春相逢苦不早  
甘心結子待君來洗雨梳風爲誰好誰云廣平心似鐵  
不惜珠璣與揮掃月沒參橫畫角哀暗香消盡令人老  
天分四時不相貸孤芳轉盼同衰草要須健步遠移歸  
亂插繁華向晴昊



徐得之閑軒

建安自古多俊髦徐子磊落尤其豪論兵說劍走湖海  
身勤事左無所遭綠水五校已屠膾黑衣三衛嗟徒勞  
歸來故山便卜築脫棄萬事輕鴻毛橫前澗水漱哀玉  
傍舍老櫪藏飛猱山蔬何用媿梁肉鶴氅未必輸青袍  
追寒弄月有真意慎勿輕語傳兒曹

晁補之

同張子望顏伯儀上關納涼

高閣無風華屋熟正午四鄰還往絕張侯不厭過市煩  
呼我柳隄鳴躑躅城如虯背卧透迤城上戍樓虬白髻  
一水貫來深宛轉萬家圍去綠參差囂塵塞眼那能避

御選宋詩

卷二十九

秦觀

晁補之

三五

未暇解衣聊埽地可憐繫馬著垂楊可憐臺榭對池塘  
無限芳洲生杜若芙蓉菖菖倚新妝鴛鴦相對鷓鴣舞  
飛去黃鸝獨無語登槃未用伐蛟鼉苦菜黃瓜亦堪數  
張侯河目須垂膺齒如明玉嚼寒冰未須坐上白羽扇  
談言自足驅青蠅司業高情勿寂寞仲宣從軍良可樂  
欲看詩句出嵌空更饒酒量開磅礴廣文顛顛獨何人  
男兒三十四方身相逢得意吐然諾俸二百錢終不貧  
野橋偃僂風吹髮徒倚門關臨滄嶼江湖平日憶蘇侯  
更詠夕陽明觀闕蘇子由上關詩云  
落日回看觀闕明人語喧喧未聽回木蘭晚  
放水萍開黃昏下馬天似漆急雨傾屋翻狂雷

試院求李唐臣畫

有客攜來白團扇看君畫出翠微峰忽然陂水變陰霧  
便有松林吹晚風松林陂水靜何極何處歸舟天際識  
韋侯直幹儻不難杜陵東絹那能惜

酬李唐臣贈山水短軸

李爲刑曹社  
君章知賞

大山宮小山霍欲識山高觀石脚大波爲瀾小波爲淪  
欲知水深觀水津營丘於此意獨親杜侯所與復有人  
不見李侯今五載苦向營丘有餘態齊紈如雪吳刀裁  
小毫束筍縑囊開經營初似雲煙合揮灑忽如風雨來  
蒼梧泱泱天無日深巖老樹洪濤入榛林闇漠猿狖寒  
苔蘚侵淫螺蚌濕紛紛禽散江干沙有風北來吹蒹葭  
前洲後渚相隨沒行子漁人歸徑失李侯此筆良已奇  
御選宋詩

卷三九

晁補之

十四

我聞李侯家朔垂跨河而北寧有之曷不南遊觀禹穴  
梅梁鑠澀萍滿皮神物變化當若斯元君畫史雖天與  
我論絕藝無今古張顛草書要劒舞得意可無山水助  
他日李侯人益慕

贈麻田山人吳子野

余見待制李公誠之於汶上  
蘇密州在焉始聞子野名

汶陽我昔見蘇李人言吳子歸未幾長嘯春風大澤西  
却望麻田山萬里不逢鄭老溪上箭欲致朱公路傍米  
今年窮巷絲生髮馬尾吹風化衣袷定知赤鯉鳶波濤  
何意黃冠驚僕妾琅函萬過陰魄悲心無丹白鱸生兒  
山中種芝豈無侶成都醉眼未當去願從王烈或見呼  
試訪孫登竟無語棄家內愧非此流此身天地一虛舟

未應齒豁塵埃裏乞與青精救白頭

喜文潛自淮南歸招飲西岡呈坐客

春回三楚水生漪銀臺春夢歸心馳莫言上水百丈苦  
淮渚東風一月期都城經春雪蔽地百花不放須君至  
清晨一紙國門書走馬蓬壺下直初保康橋頭燈照夜  
我馬鳴嘶向君馬得君豈但官局同卜鄰况近南城下  
文詞翊善知名久丈人令德于公後同年廖李芸省郎  
吳門隱尉身姓張平時花發值此客隨分東牆有春色  
宮壺酒賜玉流卮請君但作留春詩人生身外安所知  
爲君借舞杜廷尉對花有酒那不醉

晁說之

御選宋詩

卷三九

晁補之

晁說之

三五

涪州寄蒲舜美桐煙墨來試之良佳因成長句  
西風吹林秋日白修桐葉彫霄寒碧霜餘結實鳳不至  
野人取之出膏液山中老翁頗喜事買膏燈光歸照室  
旋收輕煤下玉杵陰房掩翳煙不出澤麋解角麝薦香  
嚴冬折膠天與力律灰吹盡無裂文外乾中堅介如石  
故人憐我貧嗜書遺我一丸欣有得空堂無風塵亦靜  
朝陽壓窗書繞壁起臨墨池洗硯試入手已怪光奪漆  
蒼茫忽驚元雲晦奄靄頓失寒松色徐嗟流落用失所  
翰墨何由有勲績從軍豪氣吾豈能倚馬翩翩磨楯墨  
傍人笑言君莫疑著書固屬窮愁客

尉廨無隙地不能時花竹之屬惟廳事前舊有

柳一株予憐其獨也增植其七焉暮春之月大有生意可喜爲賦此

千林春入花梢紅空庭無樹來東風手栽楊柳三尺許  
芳意已在萌芽中官居難期十年木聊爾移根伴幽獨  
兩催細葉相續生翥峰爲誰出修綠君不見美人夢中  
春日長翠簾風開捲春光飢寒病叟寧有此蒼苔破封  
對作行游絲飛空日停午乳燕巢成寂無語柔條作陰  
未覆庭影立東風不能舞明年我亦未成歸會見裊裊  
生新枝清陰漸滿搖落日度曲無力弓彎垂人生于世  
無定著身與楊花共飄泊他時莫忘桓將軍漢南重來  
看搖落

御選宋詩

卷九

晁說之

三

晝寢

官曹無人吏休沐杜門謝客車脫軸門前經旬客不至  
苔色侵堦春更綠書堂蕭然白日靜黃蜂收聲蜜房足  
楊花浩蕩天無風簷端三尺朝陽紅晴薰病眼煖欲醉  
卧搔短髮如飛蓬枕書睡熟呼不醒黃梁正飯邯鄲翁  
不知紛紛夢幾許覺來煙際聞昏鐘

樂温舟中作

密雲捲雨歸空山暮林接翅昏鴉還須臾水面明月出  
滄江萬頃琉璃寒波平汗漫天無風水光月色相爲容  
臨流愛此無盡碧乘月直下滄浪中江心石出高崔嵬  
水作鏡面無停埃琉璃萬頃忽破碎知是一葦橫江來

中流與月更媚嫵湛湛無聲翠光舞飄然長嘯順流下  
櫂夫請留恐仙去姑令結纜寒沙邊月方正中光入船  
洗杯索酒屬明月今夕之樂寧非天

今秋久雨至八月望夕始晴月色尤清澈可愛  
置酒月下作

玉斧琢月玻璃聲月中桂樹秋風驚終年待此一輪滿  
不憂蛙食憂鼃鳴白鼃十日鳴空山兩師乘雲呼不還  
黃塵曉漲三尺潦明河夜飛千丈灑廣寒不復觀霓裳  
公子豈解歌秋陽金星未滅月已出風櫺雨隙棲清光  
須臾紺繒展秋碧仰見西山銜半壁青天冥冥星益踈  
光芒寒溢千山白今夕何夕誰與度舉杯屬月當起舞  
御選宋詩

卷三九

晁沖之

晁沖之

三

陶然相對影凌亂不覺驚鳥起庭樹樹頭霏霏木葉墜  
白露懸空斗垂地雖無絲竹爲陶寫亦有鳴蛙當鼓吹  
向來悲歌子桑子飢坐虛憂禾生耳安知上帝思澄清  
要令六合無泥滓

晁沖之

東陽山人僻居

我家京洛間桂玉資薄產平生丘壑心水竹不滿眼清  
晨有客吳中來山川指授收奇才笑談長揖波浪下懷  
抱遠承巖穴開東陽山人高華隱豪俠持身復修謹旁  
山多闢黍稷田碧溪東流汲春醞溪南一畝當翠微秋  
風萼熟菰葉肥龜魚上帶藻荇動鷗鷺下拂芙蓉飛亭

陰野塘亦新築溪山共作窗中綠諸郎年少皆知書子  
夜哦詩動修竹歲時冠蓋如浮雲擊鐘鼎食江淮聞愛  
山自比謝康樂好士不減春申君我欲沿溪揚小楫亭  
邊共醉藤蘿月叩門夜訪君家時扁舟重載山陰雪

簡江子之求茶

政和密雲不作團小夸寸許蒼龍蟠金花絳囊如截玉  
綠面彷彿松溪寒人間此品那可得三年間有終未識  
老夫於此百不忙飽食但苦夏日長北窗無風睡不解  
齒頰苦澀思清涼故人新除協律郎交遊多在白玉堂  
揀牙鬪夸皆飫嘗幸爲傳聲李太府煩渠折簡買頭綱

謝沈次律水枕

御選宋詩

卷三

晁沖之

三

沈侯筆力鼎可扛左手截取吳松江折流來此一尺枕  
指麾巨鰐回濤瀧平生性不好長物舉以遺我嗟無雙  
呼兒快取蘄笛箏埽除塵榻移當窗隨眠置我丘壑裏  
始信孫郎眞枕水我生不出長安城四十二年塵浣耳  
領君此枕何瀟然睡起醒心如一洗

御選宋詩卷第二十九

御選宋詩卷第三十目錄

七言古詩六

張耒三十一首

陳師道五首

范祖禹一首

蘇頌二首

彭汝礪二首

李昭玘一首

李之儀三首

蘇庠一首

謝逸二首

御選宋詩

卷三十  
目錄

謝邁三首

李彭二首

洪朋一首

洪炎一首

劉弇一首

鄒浩二首

唐庚四首

黃裳六首

崔鶻一首

楊時四首

雷洞一首

韓駒七首

宗澤一首

司馬朴一首

御選宋詩

卷三

目錄

二



御選宋詩卷第三十

七言古詩六

張耒

宿譙東逆旅夜聞歌白公琵琶行

元和才子悲流落一聽琵琶謂天樂青山裊淚作長歌  
誰取篇章和宮角譙東夜久行人稀卧聞此歌歌者誰  
歌似舊時人不見舉頭欲聽淚雙垂畫堂青瑣春無事  
幾聽此歌還幾醉東風桃李作黃埃寶篋塵昏譜間字  
一聲一聽一情傷未老應知幾斷腸展轉曲終燈燼落  
荒城寒月夜飛霜

別梅

御選宋詩

卷三

張耒

一

宦遊到處即爲家况我遷謫來天涯三年假館主人屋  
忽忽屢見新梅花那知今冬當去此十月已見凌霜葩  
繞之百匝未易別對我脈脈如含嗟懸知客去門復掩  
亭沼人散啼昏鴉朝風吹香散寂歷夜月照影低橫斜  
嗟我明年復何處東州旱野連桑麻相思時有夢魂到  
極目南望空煙霞

題江州琵琶亭

危亭古榜名琵琶尚有楓林連荻花嗚呼司馬則已矣  
行人往來皆歎嗟司馬風流映千古當日歌詞傳樂府  
江山寂寞三百年潯陽風月知誰主我今單舸泛江潭  
往來略已遍東南可憐千里傷春眼不待琵琶淚滿衫

將至嶺下作

竟陵南風稻新熟夢澤悠悠傷遠目春風嶺上望齊安  
太昊城邊攬秋菊那知歲暮東州客太山蒼瘦馬古道長  
雲收霧捲日月明却上天衢瞻玉色敝裘瘦馬古道長  
九旬刺史歸空囊歸去故人應笑我滿衫清淚說潯陽

謝黃師是惠碧甃枕

鞏人作枕堅且青故人贈我消炎蒸持之入室涼風生  
腦寒髮冷泥丸驚夢入瑤都碧玉城仙翁支頤飯未成  
鶴鳴月高夜三更報秋不勞桐葉聲我老耽書睡苦輕  
遶牀惟有書縱橫不如華堂伴玉屏寶鈿敲斜雲髻傾

聞蛩有感

御選宋詩

卷三

張耒

二

遙夜飛螢動秋思獨卧空山驚晚歲可堪六月已聞蛩  
日暮呶呶響庭際關河多風氣蕭索碧樹先秋早搖落  
鳴機夜織常怨寒白紵吳衫苦輕薄年年促織誰最悲  
堂上美人愁翠着清砧搗練對殘月玉筍啼紅裁遠衣  
唐風詩人勸其主行邁苦遲嗟歲暮山城聽汝已三年  
三年白髮多於故飄飄秋夢到江湖我欲東歸鱸碧鱸  
安能爲爾將雙淚歲歲風前沾客裾

不寐

荒亭雨多秋草侵秋蛩相語秋夜深草蟲暗飛羽格磔  
星河影高天淡白騷人多懷夜不眠老松微吟風颯然  
山川浩蕩何日還晚空漫漫白露寒

對蓮花戲寄晁應之

平池碧玉秋波瑩綠雲擁扇青瑤柄水宮仙女鬪新妝  
輕步凌波踏明鏡彩橋下有雙鴛戲曾託鴛鴦問深意  
半開微斂竟無言裊露微微灑秋淚晁郎神仙好風格  
須遣仙娥伴仙客人間萬事苦參差歎盡清香不來摘  
上元日早起贈同遊者

夜來人散殘更月曉陌空存舊車轍彩燈城市已春風  
寒木人家猶臘雪強起相逢酒未醒殘膏宿火尚熒熒  
歸來更拂障泥錦重約黃昏信馬行

東方

東方未明更五鼓星河寥寥寒雁度鏘鏘鳴鐸誰家車  
御選宋詩

卷三

張耒

三

陌上驅牛輟霜去北風吹面足踏冰邨南早飯天未明  
年年輸稅洛陽城慎莫後期官有刑

寒蟲

寒蛩振翼聲騷騷夜深月影在蓬蒿老人雖眠睫不交  
愁窗人寂燈無膏荒城鳴金睥睨高北斗下挹西江濤  
悲笳三奏老雞號晨光出山開沈寥

贈瞿公巽

我昔出守來丹陽江流五月如探湯使君之居在山腹  
繞舍樹石何青蒼千年藥根蟠井底靈液浸灌通寒漿  
人言枸杞精變狗夜吠往往聞空廊金山蕩瀾浪花裏  
一舸遙去隨漁郎最奇巖齋人迹少乳水時滴白石牀

翠龜坡陁負日色白鷺掀舞占風祥我留金山凡十日  
窮探力取無遺忘南風吹我渡江去已厭淮南塵土黃  
二十年間多少事身如疲馬起復僵淮南窮樓衆人後  
朝食不充藜莧腸公來衰顏得一笑側聽高論驚尋常  
窮閭過我坐至暮滿懷珠玉無疵糠乃知世間有清議  
未可盡以已意量精金白璧天所寶理無破碎委道旁  
半年耳冷不聞此遇公矍然神激昂論交自顧已老醜  
從事理絕隨飛翔斯文有屬不但爾因公作詩我涕滂

東園

堂中宴坐不妄出堂外青春去如失小園十步綠如雲

一時桃李事已畢猶殘醱釀數朶在未覺塵沙汗玉質

御選宋詩

卷三十

張耒

四

金沙格俗終可憐膩白嬌紅如欲滴老夫睡起聽山禽  
竹間林外紛嘲嘖筍生漸愜子猷願梅熟未邀朱老喫  
翻書只作引睡具傾壺屢進忘憂物今春風雨稍依節  
上田麥穗過數尺但知洗眼看世塗莫厭終年守蓬葦  
送翟公巽赴中書舍人

韓筋柳骨世不聞翟公筆力回千鈞十年聲名滿四海  
淮陽邂逅雙朱輪老翁空疎亦何有察公於我意甚真  
高談亶亶雲漢上一掃闡茸如灰塵夜光明月不計數  
坐使衰敝生精神恨無金玉相報答還家三歎嗟我貧  
青燈論文夜未分曉聞門外送使君問君舍此去安往  
紫皇詔歸侍玉宸鋒鏑發礪斷犀象好爲明主裁絲綸

論思獻納乃其職况公之意常在民追還三代舊風采  
主以事實致此文聖君賢相有美意筆端與物爲陽春  
和楊念三自武昌至京師

三年別我入荊州一日長安從我遊愛君詩有春草句  
使我神遊黃鶴樓江山望爾欲穿眼見我驚嗟秋鬢短  
扁舟可辦吾欲東年來五湖魂夢中

偶書

秋陰漫漫幾千里赤壁磯前天接水連檣接柁不復行  
老魚擘波時出戲黃橙紫栗收如積青錢買酒不堪惜  
北人歲久厭南餐山邊有路何時還

窮秋晝夜陰如一夜不見星朝蔽日枯疇已獲大野空

御選宋詩

卷三

張耒

五

怒江未落連洲沒長魚撥刺不受釣漁子高眠守蓬蓽  
紫驕舊宮誰復遊鼎峙雄心久蕭瑟

東海有大松土人相傳三代時物其狀偉異詩  
不能盡因讀徐仲車五花柳枝之作作此詩以  
激之

詩翁愛花復愛柳長歌高吟半酣酒自言二物天下奇  
愛之不厭形於詩嗟余所愛翁未見我昔東遊窮海甸  
波濤四絕大島中上有太古不死之長松千人裨延坐  
其下仰見翠葉迷蒼穹巨鼇竭力負不起鵬棲僅借卑  
枝容人言海在此其圍鱗甲百萬屯蛟龍又言海怪久  
不死守護山麓蟠其躬天空海闊風力壯敲戛簸蕩聲

無窮軒轅張樂奏未已筍簾百萬喧笙鏞鬼神不欲人  
屢見護以萬疊青山峰愛之未免困寂寞坐見雨露霑  
蒿蓬東皋吟翁天下才海嶽秀氣天所鍾豈惟文章繼  
騷雅胸中事業窺夔龍如何坎軻滯茅屋失所應與茲  
松同詩翁勿愛花與柳軟弱但解爭織穠春英零落化  
爲土夏葉狼籍工巢蟲嬌兒姍婦最入眼丈夫所志當  
英雄何當與君涉海去結茅松下甘長終

讀蘇子瞻韓幹馬圖

我雖不見韓幹馬一讀公詩如見者韓生畫馬常苦肥  
肉中藏骨以爲奇開元有臣善司牧四十萬匹屯山谷  
養之罕用食之豐力不曾施空長肉韓生圖像無乃然  
御選宋詩

卷三十

張耒

六

我謂韓生巧未全君不見昔時騏驎人未得飢守鹽車  
惟有骨昂藏不受塵土侵伯樂未來空佇立騏驎乏食  
肉常臞韓生不寫瘦馬駒誰能爲驥傳之圖不如凡馬  
飽青芻

遊楚州天慶觀高道士琴碁

頽垣蒼蒼鎖喬木草滿荒田不容足壞簷破壁秋雨餘  
蛛網蕭蕭風滿屋黃衣道人出迎客野態生疎脫拘束  
圍碁靜埽一堂空烹茶旋煮新泉熟彈琴對客客卧聽  
脫耳泠泠三四曲離騷幽怨松風悲流水潺湲履霜哭  
日斜攜手步空廊鳴鳩相呼竹間宿黃昏門閉人語絕  
空殿幽幽掩微燭我生資身最淡薄每厭煩歎幸幽獨

何當不踏朝市塵長伴高人種松竹

海州道中

孤舟夜行秋水廣秋風滿帆不搖槩荒田寂寂無人聲  
三尺跳魚翻水響河邊守罾茅作屋罾頭月明人夜宿  
船中客覺天未明誰家鞭牛登隴耕

秋夜蒼蒼秋日黃黃蒿滿田蒼耳長草蟲呶呶鳴復咽  
一夜雨多水滿轍渡頭鳴春邨徑斜悠悠小蝶飛豆花  
逃屋無人草滿家纍纍秋蔓懸寒瓜

送劉季孫守隰州

君家將軍本縫掖叱咤西摧賀蘭石一時成敗何足論  
要使英名飛竹帛劉君奇骨尚虎頭白須千騎守邊州

御選宋詩

卷三十一

張耒

七

插架萬籤供記覽探囊五字擅風流大河之東士精勇  
日飲不妨飛獵鞚五更吹角建牙旗萬馬合圍行酒甕  
朝裘風勁黑貂煖夜帳雪滿青氊重樂哉閉口莫言兵  
雖有頗牧誰能用

北原

秋風日夜吹北原北原秋蕪不復繁縈紆一徑漸可躡  
步踏落葉披榛莞蕭蕭九月草木變獨有修竹猶禁寒  
青紅野實不可辨晚日照射霜榴殷巉巉女几更清瘦  
崖壁刻削無雲煙潦收石出洛水好靜夜到耳聲潺湲  
原西古城有微路禾黍索索荒涼田人家歲熟婦子樂  
邨巷日暖牛羊閒登臨嗟我幸無事况有美酒供開顏

射麋獵兔可卒歲棄擲萬累休嗟歎

九月十二日入南山憩一民舍冒雨炙衣久之  
石稜如刀不容步上挽垂藤下無路風寒雨滑徒旅愁  
捨馬杖藜泥沒屨躋攀顛墜不容髮目眩心寒驚反顧  
亦知垂堂有遺戒身仰微官欲誰愬蕭蕭茅屋映絕壁  
門外澗澗清泉注解衣就火不能暖旋拾山薪伐溪樹  
山翁生未食醯醢脫粟寒蔬度朝暮人間平地固不少  
何用巖嶇守麕兔秋聲四起山靄夕壞屋疎籬睡無處  
披裘結束相勸歸過盡重雲下山去

離泗州

舸舫大編來何州翩翩五兩在船頭淮邊落帆汴口宿

御選宋詩

卷三

張耒

八

橋下連牆南與北南來北去何時停春水春風相送迎  
沙岸飛鷗舊相見短亭楊柳不無情清歌一曲主人酒  
主人壽客客舉手明日酒醒船鼓鳴沙邊破堦不知名  
行人十里一迴首雲邊猶有塔亭亭

淮陰阻雨

檣竿日日春風轉渺渺孤舟數家縣朝來雨暗隔淮邨  
白浪卷沙吹斷岸渡頭楊柳濕青青橋下涓涓野水生  
滿尺白魚初受釣斷行歸雁故能鳴平生行止任遲速  
篷底欠伸朝睡足從來江海有前約老去塵埃無可欲  
曉天暖日生波光桃杏家家半出牆春日春波好相待  
短帆輕櫓底須忙



田家

社南邨酒白如錫鄰翁宰牛鄰媪烹插花野婦抱兒至  
曳杖老翁扶背行淋漓醉飽不知夜裸股掣肘時誰爭  
去年百金易斗粟豐歲一飲君無輕

秋風

秋風蕭蕭洛川波水碧沙寒飛白鷺波頭伐木欲成梁  
落日樵蘇下山去山頭九月雪一尺山民然薪當襦袴  
石田收薄婦子飢歲晚苦寒安可度

秋風蕭蕭吹野桑田家禾黍初登場雉肥兔飽鷹隼健  
水落沙冷魚龍藏長淮煙波渺萬里悵望搔首山川長  
二年薇蕨苦不飽長安裘馬多輝光

御選宋詩

卷三

張耒 陳師道

九

感春

我昨西來到昌谷主人致酒留我宿坐中年少美如玉  
高歌清歡春夜促還家病酒對殘春東風落花吹滿屋  
出無與語歸閉門安得萬里馳吾足

陳師道

次韻蘇公西湖徙魚三首

錄三首

窮秋積雨不破塊霜落西湖露沙背大魚泥蟠小魚樂  
高丘覆杯水如帶魚龍不作搖尾憐公寧忍口不忍鱸  
修鱗失水玉參差晚日搖光金破碎咫尺波濤有生死  
安知平陸無灘瀨此身寧供刀几用著意更須風雨外  
是間相忘不爲小濠上之意誰得會枯魚雖泣悔何及

莫待西江與東海

赤手取魚如拾塊布網鳴絃攻腹背豈知激濁與清流  
恐懼駢頭牽翠帶居士仁心到魚鳥會有微生化餘鱸  
寧容網目漏吞舟誰能烹鮮作苛碎我亦江湖釣竿手  
悞逐輕車從下瀨生當得意落鷗邊何用封侯隨鳶外  
不如此魚今得所置身暗與神明會徑須作記戒鯨鯢  
防有任公釣東海

舟中

野火燒原雉昏雒黃塵漲天牛亂鬪江間無日不風波  
老去何時脫奔走詩書滿腹不及口遮日寧須釣竿手  
愧爾茅簷炙背人仰看青天搔白首

御選宋詩

卷三

陳師道

范祖禹

十

送鄜州關司法

早歲相知晚相識抵掌回頭已陳迹萬里從軍壯此行  
一箸鱸魚留不得夜靜關山秋月明莫聽嶺頭秋水聲  
平世功名須少壯看君一箭下遼城

蠅虎

物微趣下世不數隨力捕生得稱虎匿形注目搖兩股  
卒然一擊勢莫禦十中失一八九取吻間流血腹如鼓  
却行奮臂吾甚武明日淮南作端午

范祖禹

月夜船行入資川

憶昨卧碧山蒼蒼叢桂間白雲爲屏石爲枕綠蘿長挂

明月間忽乘輕舟汎江水山月隨人還在此白鷺驚飛  
宿靄間青山倒卧蒼波底此時孤櫂發中流川后停波  
聽權謳不學子猷中夜返欲乘明月向資州

蘇頌

和胡俛學士紅絲桃

京都花品予嘗評天桃僅有十數名含絲繁豔今始識  
鮮苞長蕊標紅纓春晴日暖助顏色灼灼一片朝霞輕  
鮫綃剪碎旋裝綴虬須摘盡將紉縈因知化工巧難狀  
偏於草木呈瑞精又疑華燈九光爛蜂蝶不敢來窺爭  
江南萱草易滋殖維揚芍藥初種成此花皆有紅絲號  
恨不同時相合并君家數株發庭際愛翫常挂簾鈎瓊

御選宋詩

卷三

范祖禹

蘇頌

彭汝礪

七

有客風流欲寄目主人喜笑張筵迎飛觴灑翰偏得意  
都緣尤物牽風情我雖多病不能飲猶思強舉花前觥  
省中早出與同僚過譚文思西軒詠太湖石

洞庭山連震澤水怪石巉巖出波底誰言行遠莫致之  
好事經營俄至此愛君小軒才袤丈滿地新芳雜紅紫  
偶來凭闌見奇峰便有江湖秋思起

彭汝礪

答同舍游凝祥池

仙宮神靈之所宅樓閣倚天一千尺先生好游猶挾冊  
藜莧不慙吾鼎食凝祥池頭三月春腰金騎犍多貴人  
天邊五岳煙霞閩海上三山雨露新蛺蝶能飛燕能舞

鳳凰在雲鴻在渚仙人參鸞入雲霧寂寂不聞青鳥語  
洞天落日晚沉沉漁舟縹緲桃源深紅玉坐看花著子  
青雲行見葉成陰疾雷怒飛風雨急瘦馬不行歸旆濕  
投閒一日須一來歲時變化猶呼吸

昨日餞趙教授行會飲秀楚堂晚徙櫻桃花下  
夜月上正夫設燭於花上光明焜耀昔所未見  
正夫因約賦詩

夜涼月色清如水天靜無風塵不起移酒近花坐明月  
畫燭橫斜插花裏月寒燭豔花淡薄意思相疑不相似  
一下一高總能見半白半紅渾可喜時有幽香闌著人  
更分疎影低臨水密成雲霧即成陰團作珠璣看結子  
御選宋詩

卷三十

彭汝礪

李昭玘

十一

異時尚擬與君醉景物更作今日比富貴功名是底物  
人生百年行樂耳

李昭玘

送徐舉人赴省試

淮夷之珠照夜月泗濱之石聲泠泠昔時大禹致方物  
神光玉色羅廣庭比年入獻多豪英褒雄妙思相憑陵  
飄飄束書去觀國瘦馬踏雪鬚垂冰長廊白晝天宇清  
落筆冉冉風雲生千官拱笏赭袍近碧溝新柳黃鸝鳴  
金撾虎士傳姓名魚龍卷尾隨雷聲州人洗眼望歸騎  
會約春風載酒迎

李之儀

晚過王晉卿第移坐池上松杪凌霄爛開

清風習習醒毛骨華屋高明占城北胡牀偶伴庾江州  
萬蓋搖香俯澄碧陰森老樹藤千尺刻桷雕楹初未識  
忽傳初弄半天來舉頭不是人間色方疑絢塔燈焰耀  
更覺麗天星的歷此時遙望若神仙結綺臨春猶可憶  
徘徊欲去輒不忍百種形容空歎息亂點金釭翠被張  
主人此况真難得

題王子重出李成所畫山水

主人邀我登閒軒軒前景物祇欠山坐來慘淡若不足  
引我忽到營丘間營丘山水天下知全齊十二雄一時  
舊游歷歷如到眼吾宗筆力窮高低峰雲巖靄互隱現

御選宋詩

卷三

李之儀

三

老木蒼藤紛綵絢瓏璵特幹勢將壓奇崛欲夸人未見  
石磴流泉似幽噎洞穴縱橫乍明滅舉頭樓觀俯懸崖  
定須六月臨飛雪行人初踏山前路款段衝寒怯回顧  
蹇驢亦自樂平地鞞耳徐行方得趣日西平遠連何處  
極目蒼茫天欲暮行人端是我前身斗覺精神相會聚  
百年瞬息竟誰真此老應無一點塵主人等是風塵外  
豈是閒軒久住人

子重家有閒軒

春日同梁十四醜李公昭朝霞閣侍兒舞梁州

曲徹客有以潤羅爲贈公昭命玉杯滿酌酬之

又以金鍾邀兒相屬既醕出烏絲欄索詩

都城春風吹落花都城九陌無塵沙貂裘公子醜何處

闌干百尺陵朝霞鳳箏新調玉指軟黃金捍撥當胸遮  
紫檀屢碎翻成拍紅茸毯襯鴟頭襪回旋誰許綵雲輕  
欲斷還連猶未徹新鶯弄雛乳燕飛一曲涼州春日遲  
百疋纏頭隨玉杯伊啞一闋爭扶持公子笑不已下客  
歡正濃更邀姬媵持金鍾一酌直欲滄溟空從他海若  
在平地明珠隋淚愁蛟龍珊瑚突兀撐高峰便疑已姬  
御來風月漸滿銀河低歸路促街鼓稀何時再到紅茸  
地更倩游絲惹住衣

蘇庠

王文儒新築小圃賦贈

王郎臞菴摩詰詩煙花遶舍江遶籬石渠東觀了無夢

御選宋詩

卷三

李之儀

蘇庠

謝逸

十四

筆牀茶竈行相期古人已往不可作甫里顧有今天隨  
灣頭蟹舍豈著我請具蓑笠懸牛衣

謝逸

送董元達

讀書不作儒生酸躍馬西入金城關塞垣苦寒風氣惡  
歸來面皺鬚眉斑先皇名見延和殿議論慷慨天開顏  
謗書盈篋不復辨脫身來看江南山長江袞袞蛟龍怒  
扁舟此去何當還大梁城裏定相見玉川破屋應數間

豫章別李元中宣德

舊聞諸李隱龍眠伯時已老元中少一行作吏各天涯  
故人落落疎星曉西山影裏識君面碧照章江眸子瞭

向來問道渺多岐只今領略歸元妙老鳳垂頭噤不語  
古木查牙噪春鳥身在幕府心江湖左胥右律但坐嘯  
第愁一葉釣魚舟不容七尺堂堂表我今歸卧靈谷雲  
君應紫禁鶯花繞相思有夢到茅齋細雨青燈坐林杪

謝邁

雙蓮閣

水芝凝露披芳塘淺妝濃畫爭煌煌其間豔異不世出  
連芳並蒂知何祥有如一座兩殊色盈盈植立漢昭陽  
九回沉水不須沐風梳露洗皆生香公如瑶林映紅粉  
粲然一笑傾澄觴故開華閣挂銀榜大篇金薤垂琳瑯  
吾聞草木正瑞世篔簹扇暑芝生房須煩丹青顧陸手

御選宋詩

卷三

謝邁

謝邁

五

貌取絕豔歸明光

碧筩

君不見韓潮州銀作飲醜誇工倂鑄花鏤葉太瑣碎何  
言豪士亦爾爲又不見六一翁嘗吟鸚鵡紅螺詩華堂  
一釂豈不樂清歌勸酒須蛾眉吾儕山人寧有此競折  
圓荷爲飲器細傾初作露珠圓滿引忽驚雲液碎鼻中  
寂寂聞妙香舌本徐徐識真味採蓮當般花當妓豈有  
登臨百金費安得城西十頃塘水光容裔暑風涼時引  
碧筩如象鼻仍看翠蓋立霓裳

秋日登鳴玉亭

山路秋陽何赫赫山亭淒冷多秋色豈惟醒耳玉淙琤

照眼光寒如練白  
舊聞瀑布垂雲間  
恍疑銀河隨天關  
西望香爐不得往  
箇中元有小廬山

李彭

夢訪友生

少年結客長安城  
妄喜縱酒同章程  
支離老去一茅屋  
枕書卧聞長短更  
友生相望止百里  
寒夜寥閭無微聲  
夢中乘興輒見戴  
剡溪聊爾扁舟行  
覺來遠遽一榻上  
不用僮僕爭驩迎  
吹燈弄筆欲書寄  
窗前白月方亭亭

阻風雨封家市

往時李成寫驟雨  
萬里古意毫端聚  
行人深藏鳥不度  
便覺非復鶯溪素  
龍眠老阮作陽關  
北風低草雲埋山  
御選宋詩

卷三

李彭

洪朋

洪炎

六

行人客子兩愁絕  
未信蒲萄能解顏  
兩郎了了解人意  
似是畫我封家市  
戲作新詩排晝睡  
忽有野雁鳴煙際  
洪朋

寫韻亭

紫極宮下春江橫  
紫極宮中百尺亭  
水入方州界玉局  
雲映連水羅翠屏  
小楷四聲餘翰墨  
主人一粒盡仙靈  
文簫采鸞不復返  
至今神界花冥冥

洪炎

南城鄧氏亭

小麥青青山一曲  
江南千里傷春目  
盱母江頭喚渡人  
遙指麻源第三谷  
裹鹽包飯各息息  
回首煙霞樓觀中



詩成更覓羊何和猶是前身內史公

劉弇

秋日儀真卽事

秋風來從越天末痛洗玻璃出明月雲陂隱起玉龍眠  
下有春容萬濤雪獨蠶之綸鼓一葉半酣老漁棹歌發  
客心寸許了無多底事臨風吹欲折

丁字河頭紋錦翼似是東園故鷓鴣天風蕭蕭吹汝急  
遣汝周章無好色江籬暮屨過行人一顧爲之三歎息  
我願舴艋從溪翁雙春鋤邊作幽客

鄒浩

謝衡州花光寺仲仁長老寄作鏡湖曹娥墨景

御選宋詩

卷三十一

劉弇

鄒浩

七

枕屏

道人秀骨生何許若耶溪邊清氣聚不從章甫事功名  
遊歷諸方參佛祖祝融峰下忽擡頭覩破虛空笑而舞  
折脚木牀二十年門外草深無寸土偶然消息落人間  
挽出花光照今古我舟邂逅泊山前霧卷雲開見睂宇  
更知我自浙東來曾擁旌旗塵督府千巖萬壑繞罇罍  
夢斷卧龍誰是主爲將池墨灑鮫綃故國封疆歸擇取  
曹娥江接賀家湖環以峰巒暝煙雨森森喬木動樵風  
廟貌崢嶸闕神禹碑留遺刻蔡邕題注目端爲楊主簿  
子猷興盡季真亡髣髴棹聲迴遠浦乾端坤倪渺莫窮  
咫尺并包入庭戶坐令鄉思滿瀟湘恨不歸飛插雙羽

蒼梧洞庭南北中氣象縱橫隨步武祇緣流放阻君親  
入眼雖奇若無覩道人方便巧施爲乃以家山慰心腑  
舊愆猶冀獲湔除恩錫餘年返農圃青鞋布襪謝塵埃  
肯使高蹤慙杜甫

有感

雲回雨歇天欲晴鶉鳩喚婦皆和聲山南北樹陰裏  
歡然相趁爭飛鳴伊予流竄止平樂妻孥尚寄瀟湘城  
五嶺橫空喚不聞不如鶉鳩猶有情

唐庚

戊子大水二首 錄一首

踏歌喧喧雜鑿鼓潭邊呼龍令作雨龍嗔揮水十丈餘

御選宋詩

卷三十

鄒浩 唐庚

大

千邨萬落幾爲魚寄謝龍神且安處熟睡深潭不驚汝  
劍州道中見桃李盛開而梅花猶有存者

桃花能紅李能白春深何處無顏色不應尚有數枝梅  
可是東君苦留客向來開處當嚴冬桃李未在交遊中  
郎今已是丈人行肯與年少爭春風

贈譚微之

去年絃歌程水濱甌中生塵范史雲今年講學鷺城裏  
關西孔子楊伯起昔人論士觀心期時人論士看肉皮  
只知黃鷄矜觜爪不識騶虞避生草

別勾永叔

巴江濼濼巴山空十里五里蕉花紅少年銳意立功業

破煙一棹輕如風却思三歲相歡聚說劍論詩輕李杜  
平生不作女兒悲今日爲君重回顧

黃裳

悼禮兵部久不作詩偶成數韻奉戲

南宮先生好談古齒牙所挂多老杜劍氣中盤幾時吐  
欲看光芒出庭戶平生氣直易言語不解聲牙斲詩句  
先生莫學東野苦我願爲雲相逐去

簡元輿祠部

百花巖上仙人住巖下爲州山水聚白頭青塚南北人  
倒影沉沉獨懷古倚欄把酒與誰同况是使君爲獻主  
應喚漁舟疎葦中旋膾游鱗落紅縷秘書座中最軒昂  
御選宋詩

卷三

唐虞

黃裳

九

邀月亭

迎暉不覺一日盡邀月又會三人間未言期約綠巖畔  
且共歌舞清樽間霜輪皎皎無今古世途擾擾多新故  
今月曾經照古人古人問月今何處百年光景行復催  
有月可邀能幾回雙巖達士不須說始見迎暉復邀月

矮松

枝幹偃蹇奇可誇本根融結杳難測龍蛇已報千歲靈  
梁棟何煩萬牛力雖減半天風雨聲却得三冬雪霜色

衛生已免斧斤入，妝景何辭吟醉客。

送陳知縣

握手州東花鬧時，瀉酒胸中如漏卮。各無官守竟信意，坐間只有春相隨。十年睽遠何所得，但悟世情能守一。昨日小軒君不遊，荷葉雨聲池上秋。明珠得喪百萬斛，何慮炎蒸金欲流。一樽獨對清都夢，可憐幽思無人共。今日聞君馬已西，不覺毫端得詩諷。汝陽縣長多清風，壺中有客當相送。

曹長房挂壺  
木今在汝州

題水雲邨

水雲深處尋幽客，競把銀餅飛琥珀。坐間玉篆流杯來，時伴桃花獻春色。塵勞不到清樽前，何幸山翁設歌席。御選宋詩

卷三

黃裳

崔鶻

楊時

干

人在夕陽方醉時，回首雲迷武陵宅。

崔鶻

早春偶題

寒風浙瀝鳴枯葦，小鴨睡殘猶未起。更教細雨結輕寒，坐聽蕭蕭打窗紙。石盆養蒲已抽翠，雕斛栽花先弄紫。擁爐閉閣賦幽香，未怕春水生硯水。

楊時

南康值雨

廬山卧龍菴，有劉道人自云百餘歲。碧眼不粒食，惟食柏飲水。每客至必先知之，欲往見之不果，故并記之。

平沙漲雪清江瀆水花照日紅生鱗軒然五老出城表  
雕玉萬仞窺長身雲巾星弁覆華頂飛泉漱瀑垂天紳  
平生未識廬山面碧巘橫雲望中見江頭一夜雨銜天  
奔浪號風作悲健朝來淤泥沒牛馬咫尺坐論千里遠  
芒鞋拄杖挂塵屋神馬尻輪歟飛轉卧龍菴前碧眼翁  
日飲山淥餐溪松神融氣合八荒外此心烟烟宜先通  
未須勒移却俗駕會應一洗塵寰空寄言歸侍壺丘子  
他日來遊當御風

遊武夷

是日汎小舟至雞窠巖還游沖佑觀

函關崎嶇走秦鹿天下並逐爭羣雄扶雲翻空鰲足折  
黔黎竄伏如寒蛩武夷山深水清泚避世猶有高人蹤

御選宋詩

卷三

楊時

三

龍泓東注海波涌

嶺有投龍池世傳與海通

玉女翠擁秋雲鬆赤霄真骨

寫虛壁通泉凡筆慙非工

魏王峯前有畫閣

藏舟浮梁跨絕澗

有小橋橋西有一小舟皆人跡不可到

隱見似與天潢通當時雞犬不復見窠巖

依舊煙霞籠我來秋杪月旣望尚有幽菊埋榛叢天容  
洗淨雨新霽雲幕四卷清無風掀蓬進棹窮異境注目  
想見流殘紅回船杖屨躡幽徑松竹窈窕環琳宮翠琬  
温辭耀華袞

褒詔有石刻

金榜大字纏交龍自憐病骨挂塵網

幔亭高會何由逢解衣歸卧玉瑣碎仰看明月穿疎篷  
吳子正招飲時權酒局不赴作詩戲之

寒爐火冷浮青煙勁風刮面如戈鋌凝陰不動天欲雪  
竟日兀兀成拘攣廣文才名四十年天寒坐客猶無羶

參軍官小技能薄寂寞冷坐誠宜然忘形杜老偶相覓  
傳呼歌舞開華筵嗟予簡書固可畏不得對飲簷花前  
漫有糟漿送人鼻汝陽口角空流涎可能更似蘇司業  
只與時時送酒錢

晚雨

斷霞明滅天日黥雨意晴暉爭好醜浮雲冉冉無定姿  
白衣忽變如蒼狗悲風激烈河漢翻雨脚如麻飛霰寒  
山深氣腥豺虎亂乾坤四合誰云寬將溪野客懶成癖  
怯寒手攣面如墨把杯強吞僵立歌閉門獨愁天已黑

霍洞

宿田舍

御選宋詩

卷三

楊時

霍洞

韓駒

三

北風吹晴屋滿霜翁兒赤體悲無裳閨中幼婦飢欲泣  
忍飢取麻燈下績一身豈暇私自憐鳴機軋軋明窗前  
織成五丈布翁作襴裙兒作袴明朝官中催租急依然  
赤體當風立

韓駒

送葛亞卿

吾廬偏仄門三尺慚媿春風巧相覓叩關惟許葛王孫  
有時藉草傾餘瀝汝不如南池主人車載客紅旂皂蓋  
行遠陌又不如東郭公子柳藏門青娥綠髮坐開樽是  
身牢落終何爲人不汝嫌汝自強伸着一笑能幾時忽  
聞春盡王孫歸春風欲盡猶有情飄英隋絮俱傷神王

孫未歸迹已埽秣馬膏車何太早明日一杯愁送春後  
日一杯愁送君君應萬里隨春去若到桃源記歸路

世美  
至國門聞蘇文饒將出都戲贈長句兼簡其兄

去年夷門十月雪九衢日昃行人絕騎驢兀兀無所之  
破袖迎風手龜裂渡橋並蹙得君家入門脫帽猶凜冽  
忽然濕束暖我寒徐出清醑寧我渴君家自無擔石儲  
蟹黃熊白能俱設平生見酒唇不濡是夕連觥耳方熱  
羣奴夜僵喚不聞我亦鼾鼻眠東閣明朝起過城南翁  
尚記新聲一笑發東歸每歎懷抱真西來又喜顏色接  
方將慷慨豁心胸未用崢嶸驚歲月城南詩翁况遠來

御選宋詩

卷三

韓駒

三

門前雪泥又活活豈知萬事不可期却樹吳檣背城闕  
人生動若參與商咫尺無論限秦粵君聞吾語雖少留  
但恐一歡成電掣念昔相見無他娛誦詩徵事相誇捷  
氣凌俗子旁若無隅坐時聞竊嚙囁於今落落誰汝憐  
老屋陳編自怡悅寄言詩翁儻留滯歲晚動迂故人轍

題王內翰家李伯時畫太乙姑射圖二首

錄一首

太乙真人蓮葉舟脫巾露髮寒颼颼輕風爲帆浪爲楫  
卧看玉宇浮中流中流蕩漾翠綃舞穩如龍驤萬斛舉  
不是峰頭十丈花世間那得蓮如許龍眠畫手老入神  
尺素幻出真天人恍然坐我水仙府蒼煙萬頃波粼粼  
玉堂學士今劉向禁直峇堯九天上不須對此融心神

會植青藜夜相訪

題湖南清絕圖

故人來從天柱峰，手提石廩與祝融。兩山坡陀幾百里，安得置之行李中。下有瀟湘水清瀉，平沙側岸搖丹楓。漁舟已入浦溆宿，客帆日暮猶爭風。我方騎馬大梁下，怪此物象不與常時同。故人謂我乃緇素粉墨妙手，煩良工都將湖南萬古愁，與我頃刻開心胸。詩成畫往嘿惆悵，老眼復厭京塵紅。

送許卿出守邠州

長安北走彭原路，白葦黃茆列亭戍。山形漸險溪水渾，行人可肯回車去。豈知中有古邠州，十里沙平水漫流。

御選宋詩

卷三

韓駒

十四

雁飛蔽野葡萄曉，馬放連雲苜蓿秋。次卿卧聽朝雞久，請試從來撥煩手。未許相如喻蜀歸，且看魏尚臨邊守。雜花撩亂草鮮明，二月春風卷旆旌。燕寢凝香無一事，樂哉飲酒莫論兵。

陽羨葛亞卿爲海陵尉作葺春軒余爲賦之

昔聞先生隱吳儂，當窗十里橫煙峰。今見先生爲楚吏，繞牆四面縈煙水。從來楚客帶吳風，曲折徑路深房櫳。舍前繫船柳千丈，舍後參天竹萬叢。千籤插架似蓬館，白拂挂壁如僧宮。埽地焚香欣客至，羹魚飯稻愁樽空。不溷不清惟寂寞，大笑先生致身錯。青山猶作布衣心，朱門却有田居樂。筆回造化天，工怒胸包今古時人愕。



甘窮自許元次山蹈海還尋魯仲連吾曹一歡豈易得  
世間百歲俱可憐何用北窗翻巧策且向東亭弄春色  
我當酌酒壽主人灘前飛下雙鷓鴣

順老寄菜花乾戲作長句

道人禪餘自鋤菜小摘黃花日中曬我瘡  
樛脯久不來麴糝薑絲典刑在封題寄我紙作囊  
中有巴蜀齋廚香起炊曉甑八月白配此春盤一掬黃

樛 歟木耳八月白稻名也

宗澤

題獨樂園

范公之樂後天下維師温公乃獨樂二老致意出處間  
殊塗同歸兩不惡鄙夫杖藜訪公隱步無石砌登無閣  
御選宋詩 卷三 韓駒 宗澤 司馬朴 三  
堂卑不受有美專地僻寧遭景華拓始知前輩稽古力  
晏子蕭何非妄作細讀隸碑增慷慨端正似之甘再拜  
種藥作畦醫國手澆花成林膏澤大見山臺上飛嵩高  
高山仰止如公在

司馬朴

無餘居士齋壁有沈傳師游道山岳麓詩石刻  
穆仲等和之因亦次韻

湘西勝景易論羣山騰闖萬馬奔鶴泉一麓騫鵬蜀  
松風十里藏祗園當時侍御偶題寫筆力孰敢爭雄尊  
東京少年妙詞藻南陽舊族齊陰樊天心月脇出奇語  
使我展讀忘朝昏差差戈劔隱一敵落落旗鼓嚴千屯

無餘居士厲幽志細研六藝方專門凍飧嬌兒慣腸莧  
啼飢瘦婦餘淚痕惟君德義允相愜每窮道妙角與根  
他人勸酒驚逐魂二子頻酌勤空樽醉中詩成渺江海  
風外幡影徒飛翻卷藏篋笥已戢戢風生襟袖何軒軒  
嗟乎我亦有餘腐陋哉羊政囚華元

御選宋詩卷第三十

御選宋詩

卷三十

司馬朴

三

